

百名家詞鈔

名家詞鈔目錄

廬陵 聶先 晉人

基定

長水 曾王孫 道扶

當樓詞

蕭山 毛奇齡 大可

摘得新 三調

章臺柳

漁父詞 二調

望江南 一調

瀟湘神

南鄉子

浪淘沙 二調

憶王孫

蕃女怨

甘州子

天仙子

四調

江城子

定西番

相見歡

女冠子

四調

酒泉子

浣溪紗

卜算子

醜奴兒令

減字木蘭花

夏漏子

南歌子

三調

鷓鴣天

二調

小重山

四調

蝶戀花

唐多令

甘州遍

三調

祝英臺近

長亭怨慢

滿江紅

滿庭芳

倦尋芳

春從天上來

望海潮

金縷曲

蘭陵王

當樓詞

蕭山 毛奇齡 大可

摘得新

河○沒○時○霜○繁○月○已○低○錯○驚○銀○榻○曙○起○來○遲○扶○上○髻○梢○
隨○意○綰○亂○絲○絲○

前調

欲○上○牀○卸○頭○畱○半○妝○殘○膏○御○獸○頸○且○縫○裳○晶○環○繞○指○
先○知○冷○偎○誰○傷○

前調

漏盡移。還將繡譜披。碧窗連鎖下。響朝雞。坐得畫裙
千百。摺夜何其。

章臺柳

楊柳枝。莫教折。留綰衫前散巾結。祇恐花飛上紫綸。
認作搖郎鬢邊雪。

漁父詞

籊籊銀鈎掛竹竿。珊瑚車子鐵連環。蓮葉渡。蓼花灘。
煙波淼淼幾時還。

前調

菰角菱芒。胃網絲。曲柳單板立。鷗鷺前浦約。隔江期。
江長浦闊。暝歸遲。

望江南

臨大道。金碧遶天涯。出郭危樓雲作埒。抱江小檻幔。
垂沙。記得那人家。

前調

江上市。帆落渡橋來。兩岫娼樓懸水柵。平船擊板暝。
煙開漁火夜相猜。

瀟湘神

叩竹枝。生古祠。叢叢峭壁鷓鴣啼。朝雨過來還暮雨。
不知神女幾時歸。

南鄉子

賽起祠叢木。棉花發。野椒紅。記得丁郎山下路。敲銅
鼓。九孔紅螺遮扇舞。

浪淘沙

仙橘山前看橘花。單衫裁就橘山蔴。春江空作揉藍
色。浪裏淘來那得紗。

前調

杉木爲簾竹作檐。江湖能苦雨能甜。連朝只飲檐頭雨。翻道江湖錯着鹽。

憶王孫

東風垂柳覆金堤。夾岸紅樓望去迷。映日遊絲捲蔓低。盡橋西。一樹嬌花鳥自啼。

蕃女怨

吳娥窈窕初拂舞。堂下春雨。柳垂鋌。花轉轂。暖翻春燭。只憐却舞汗衣乾。又春寒。

甘州子

銀牀金井曉啼鴉。簾額上、襯紅霞。同心梳子夜開花。
和露折來斜。無好意。送與謝娘家。

天僊子

蠟炬乍開紅芍藥。枝頭又噪星橋鵲。還疑蕩子早歸
來。蛛網錯勾眼角。昨。晚。下。堦。裙。帶。落。

前調

玉蘭牽絲纏寶帔。當胸繡出承恩字。朝朝獨自捲衣
裳。蜥蜴尾長繞臂。誰識牀頭有龍子。

前調

蠡城爲王郎紀事

城上春雲城下雨。倩人畱壻。傾春醕。偷將壻。恰障春寒。烹雪黍炊玉杵。調壻鄉音。隔窗語。

前調

鍼管紅抽丹鳳綫。螭頭金錯裁雙枕。誰家白苧夜歌來。人未寢。霜月冷。誤剪葡萄紫絲錦。

江城子 無題

日出機頭雞子黃。照紅粧。動江光。采蓮湖畔。錦纜藕絲長。欲問小姑愁隔浦。長獨處。久無郎。

定西番

校尉新開疎勒旋右地。返輪臺。未歸來。奪得燕支。萬里草青春已迴。誰道于闐還有野花開。

相見歡

倚牀還繡芙蓉對花叢。牽得絲絲柳線翠煙籠。愁思遠。拋金剪。唾殘絨。羞殺鴛鴦街去一絲紅。

女冠子

玄都清曉。坐間碧堂紅艸。女僊家。玉鈴量星豆。金饒煮雪花。駐顏丹作粉。繫肘綠垂紗。浼浼溝頭水。盡胡麻。

前調

僊房寂寂戲採瑤林珠寶是何鄉。紅尾梢花犬青衣。
覆石羊。鯨絲裁綬短鵝管呬笙長。倘得逢燕使問
昭王。

前調

碧簫初弄。暗想秦樓雙鳳幾多情。玉鐺分蘆節。金箱
貯棗餠。蕉花含秘閣。松影落層城。誰搗玄霜盡見
雲英。

前調

金巾姣好。長佩玉沙瑤艸。受清虛。妝鏡。殲山鬼。香奩。
檢道書。湘眉遮羽蓋。素手滌仙厨。每當三五夜。望。
蟾蜍。

酒泉子

風攬紅簾。愁損隔簾人影。倩秦娥。纏越縠。唱吳鹽。
黃鋪白鎖春相望。高閣魂驚難上。那更堪。花滿桁。柳。
垂檐。

前調

可惜春歸。換得好花成藥。啟金箱。疊細褶。熨單衣。

銀鈎翠籠南隣女。日暮採桑西去。怕秋胡。廻道路。返遲遲。

浣溪沙

軟綠江波鴨子清。日遲遊女遍江城。紅橋度燭緩相迎。細馬隔裙穿鐙子。平船素手撥簾旌。大堤春日往來情。

卜筭子

門外綠楊堤。門裏紅粧女。何處金羈美少年。故綰垂楊縷。風起攬楊花。飛作廉纖雨。眼底迷迷不見人。

且聽黃鸝語

醜奴兒令 妓席送酒

珠繩初絳。銀河瀉。花滿中庭。露滿中庭。嬾向庭前看月明。山屏幾褶。孤眠久。夢也難憑。醒也難憑。翻願今宵夢不成。

減字木蘭花 同姜入孝廉有訪

陸公祠畔。十里橫塘行未半。花港深深。王四娘家何處尋。醪醑初注。又是孝廉船欲去。怕照菱花對面。分明又一家。

夏漏子

剪鮫絲。量獸錦。寬窄燈前自審。鈿尺短。錯刀殘。晚來
多少寒。園霧薄。林花落。水面星搖池閣。山犬吠。艸
蟲鳴。曲房魂暗驚。

南歌子

落花

粉蕊飄蜂米。紅英展地衣。一團并作屐頭泥。却是桃
花飛過李花飛。殘粉畱青蒂。零紅斷碧枝。落花原
有蚤和遲。空自曉風吹了晚風吹。

前調

闌州

喜摘惟紅豆。難攀是白榆。百花亭外展。攢瑜藏得宜。
男臨賽。又躊躇。綃帕銷。藤刺。紺欄解。露珠。朦朧却。
把翠鈿輪。暗揀花枝。插補髻邊虛。

前調 賦得璫瓏隔窗語

青漆垂銀鑰。丹砂映玉櫳。隔窗嬌立小芙蓉。兩地分。
明細語。一燈紅。好鳥音初剪。幽蘭氣轉濃。相看枉。
自喚璫瓏。一寸明螺。梧子萬重峰。

鷓鴣天

賦得鴛鴦沙路遠

翠鬣紅翹錦蹀低。藕花多處一汀迷。誰憐比翼琴臺

瓦柱識雙絲錦字機。銀埒遠。玉塘稀。天長海濶幾
時歸。相離只解相思死。那識相思未死時。

前調 過女教場有感

銀甲瑯戈小隊工。內家宜勅教從戎。山蘿覆鏃紫金
細野火燒旗閃幔紅。官月靜。陣雲空。鳳凰山下抱
龍弓。珠堦玉鞞圍營路。小雨寒花何處逢。

小重山 得友人書

青鳥銜來雙錦鱗。背人佯撇下。小重茵。口脂紅淺浥
香津。絨題處。印得指螺新。素字小泥銀。簪花新樣

巧。衛夫人。鴛鴦格子翦江蘋。波紋細。恍見淚粼粼。

前調

芳艸茸茸翠輦遲。昭陽初日影。照彤墀。銀旛綵勝戴
雙絲。金錯小。剪出萬年枝。御苑落花時。祠前祈百
子。漢家池。承恩惟有臂紅知。中宵夢。頻起視臙脂。

前調

黃帕銜螯結象牀。捲衣長拂面。侍君王。衫襟深惹御
爐香。綃帳影。隱隱見鴛鴦。別院罷霓裳。衆中新賜
着。殿頭黃。年來獨繫絳紗囊。江南路。四十杜秋娘。

前調

麥○壠○青○青○菜○壠○黃○野○棠○花○滿○路○日○初○長○誰○家○女○伴○關○
新○粧○蜂○來○往○刺○得○口○脂○香○三○五○暎○垂○楊○見○人○還○却○
步○背○方○塘○小○姑○不○解○斷○人○腸○看○花○落○又○看○浴○鴛○鴦○

蝶戀花

蠟○子○櫻○兒○飛○綠○鵲○午○睡○纔○醒○倚○遍○雕○紅○藥○青○暎○遠○山○
迴○雨○脚○殘○紅○幾○暈○胭○脂○削○滿○院○繁○花○看○漸○落○日○暮○
風○生○片○片○吹○來○薄○粘○得○斷○絲○絲○又○弱○重○重○絆○住○秋○千○
索○

唐多令 朝柳

隋苑覆依依。行人迷又迷。風前空惜好腰肢。待得長
條堪作線。蠶箔下。又縑絲。折盡渭亭枝。年年送別
離。滿欄空自撲人衣。待得飛花堪作絮。交領下。暖風
吹。

甘州遍

甘州遍。羗笛又將殘。聽聲寒。黃花翠葉。玊戈鐵馬。茫
茫飛雪滿燕山。邊月靜。戍衣單。紅閨萬里夢斷都
護。請生還。雁帛遠。風急度旌竿。望長安。甘泉鏡吹。何

日達簫關。

前調

金槌去。長策棗紅驕。五陵遊。純鈎蒯繞。縵胡纓曲。冰
梢獵獵似星流。兄執戟。弟長秋。射飛逐沒。嘗見便
殿賜衣裘。年正少。花發醉娼樓。錦纏頭。幾行歌舞。一
曲遍甘州。

前調

秋風起。展轉事長征。出邊城。彎弧鶚角。佩刀犀首。趨
趨斥突。願擒生。收勒勒。捲攬槍。夜涼頻擊刁斗。空。

積答遙聲轉戰苦。車騎未成名。塞草驚毳毳孤塚。春
草日青青。

祝英臺近 閨晚

畫闌低斜日暮。睡起甚無緒。蛺蝶遊絲陣陣惹飛絮。
是他梅子生心。櫻桃辭蒂著甚個五風三雨。隔牆
樹。聽葉底杜鵑兒不住。叫誰去看。又黃昏寂寂閉朱
戶。夜來明月何如。幾時回顧。記不出初三十五。

長亭怨慢 賦得春日凝粧上翠樓和葉蕃鮮

春已暮。畫簾頻啟。朝日穿來。又在肩際。粧粉將施。彈

綿○先○拂○鏡○兒○裏○木○瓜○清○了○又○添○上○新○紅○子○爲○要○好○情○
多○還○則○向○傷○人○問○箇○勻○未○ 晝○長○繡○褶○煖○換○却○徒○羅○
淺○綺○薰○嫌○石○藥○鬱○金○香○疊○來○風○細○臨○行○道○履○線○將○殘○
踏○不○得○樓○頭○新○綢○誰○曾○顧○樓○前○檻○外○暮○春○餘○幾○

滿江紅

商雨臣彈琴作

猊○火○初○紅○抱○綠○綺○夜○堂○三○弄○漸○秋○老○亭○皋○木○落○晚○雲○
流○凍○紫○稗○霜○田○翔○寡○鴿○碧○梧○涼○葉○棲○雛○鳳○似○蘭○娘○峽○
裏○聽○流○泉○當○時○夢○ 幾○曾○是○商○陵○痛○何○須○作○雍○門○慟○
但○前○軒○月○下○手○揮○目○送○三○尺○冰○絃○看○似○雪○有○新○聲○迸○

入鴛鴦綜。恰七條總似一條絲。絲絲動。

滿庭芳 公望遺以潞國之琴

漢室淮南。藩封澤潞。紅弦久擅空桑。攜來海甸。寶匣散珠光。碧軫瑤徽。幾額龍門樹。斲羽鏤商。人傳是乾清供奉。曾遣使諸王。崇禎題歲月。橫紋印綠。蘇帶

流黃。自王孫散去。淪落江湘。故國軒轅何處。燒桐好付與中郎。誰知得紅絲繫足。還是舊宮粧。

倦尋芳 寄駱叔夜明府

渭南萬里。三載攜琴。人誦廉潔。爲葬慈親。歸卧溪山。

別業道遠勿辭高士叩。哀來時漏卅徒血。苦思君又。
蹉跎相失。暮秋時節。游望冷薔薇洞口。絲竹蕭條。
遠過前哲。苑雞塲還攬舊時英傑。艸煖吟成。樊水。
調花飛夢散華池雪。聽西堂幾何時。又鳴蜻蛚。

春從天上來
擬昭君詞送友出塞

河水東流看萬里。寒風塞外驚秋。誰遣傾國遠嫁邊。
頭。辭帳殿下銅樓。記臨行上馬。賜與錦帶共箜篌。卸。
宮粧向深深。毳幕徐換貂裘。平沙那堪曉發。似露。
下長門。月墮金溝。滿地燕支。萎紅枯紫。巧勝画筆塗。

勾。羨。年。年。寒。雁。歸。渡。海。岬。與。沙。洲。願。仍。還。上。林。舊。宿。
同。叫。夏。筇。寄。

望海潮 越中懷古今秦淮海韻

東南都會。會稽形勝。居然晉代風流。宛委赤書。蓬萊
紫氣。天連星宿牽牛。佳境任優游。向山陰道上。秦望
峰頭。萬壑千巖。當時曾此鎮揚州。依稀舊蹟還留。
悵蘭亭人散。戢里歌迺。九曲風光。五湖煙雨。望中處
處生愁。時泛小犀舟。看西施西去。花謝粧樓。猶見若
耶春漲。綠草遍芳洲。

金縷曲 壽商樞部

正小春花暖。繡屏開。碧觴乍舉。黃眉初展。玄扈干雲。
太宰後猶見。征南季簡。且載酒。閑聽絲管。綠野蚤成
江上宅。况採芝舊日。商山遠。問海水。幾回淺。古來
七十原希罕。更菁蔥滿庭玉樹。瑤孟金版。荀氏八龍
齊下食。不羨瑤臺瓊苑。是何處。馳歸輕轡。大婦流黃
中婦錦。最可憐。小婦調笙。緩榆歷歷。棗纂纂。

蘭陵王

想前此閣下。薇花乍紫。橫欄曲半臂。荔紅鬢髮新梳。

理黃子按鴟絃第四忽地吳頭楚尾看看遠海雁又
來眼底空留數行字思量那年地不合啟廂東宵
雨燈靜桃花悞賺劉郎至奈三載寒食一朝幽聚細
抱窄襪弄花綺那知夢兒裏倚徙病初起況翠帳
寒生晚秋天氣暮暮朝朝向誰是縱迢遞關山夢魂
堪寄知他去處是百里兮是千里

姜汝長按曰。河右小令中調。宗李秦張晏之間。長調稍及周柳。總取其當家者。以花間艸堂不同時。小令長調。又不同體也。或曰。宗花間宜屏艸堂。則作古體者。必無近體。宗淮海宜却柳七。則作沈宋短律。必務絕盧駱諸曼章矣。河右隨體填合。不務一格。要其斷不爲辛蔣餘習。則自有坊域耳。

曾道扶

王孫

曰。河右論詞。幾如哪咤太子。折骨還

父折肉還母。其自運小令。琢字雕句。刻意不墮

太平興國以後。近代能合花間者。此公而外。又
如宋長白。吳伯愁。金子開。然三人皆出越東。山
陰道上。鍾英毓秀。如是靈杰耶。又曰。學河右者。
當看其圓通。不當但倣其組織。

名家詞鈔目錄

廬陵 聶先 晉人

纂定

長水 曾王孫 道扶

白茅堂詞

蘄州 顧景星 黃公

望江南 三調 長相思

浣溪沙 重疊金

清平樂 山花子

玉樓春 柳稍青

踏莎行

二調

臨江仙

鵲踏枝

定風波

三字琵琶

二調

最高樓

新荷葉

滿江樓

滿庭芳

瀟瀟雨

慶清朝慢

賀新郎

鏡堂春慢

春從天上來

喜遷鶯

一萼紅

白茅堂詞

蘄州 顧景星 黃公

望江南

和璠生韻

江南望。東去是吳閫。故劍好尋新冢掛。蕩舟空憶錦帆香。殘恨總茫茫。

前調

卽山席上憶秣陵櫻筍會拈得桃字二首

秦淮渡。載酒木蘭橈。錦裯婦嬾披穉簪。玉盤韎鞞認櫻桃。小物餽春餽。

前調

勾欄去。團扇正堪招。倚竹有人籠翠袖。驚鈴無鳥犯花梢。留客試香醪。

長相思

無題

烟迷迷。草萋萋。綺陌花飛鶯亂啼。江南三月時。數歸期。恨歸期。怕的春歸人未歸。教人留戀伊。

浣溪沙

何鳴九小像

蛇。腹裏藏書過五車。頂中高髻綰三花。袖邊蛺蝶隱青蛇。愛聽松風操綠綺。不求句漏訪丹砂。茫茫四海盡爲家。

重疊金

丙寅夏答楊素秋

香生杜若群芳簇。有人更唱西州曲。處處採蓮歌。離
愁何處多。柔情聞軟語。不斷如春水。放誕又風流。
人兒喚素秋。

清平樂

夏夜湖上

槿籬茅舍。風露當清夜。炎暑不侵心自暇。欲買清閒
無價。湖邊老樹如幃。繩床獨坐多時。道是星星漁
火。流螢林外高低。

山花子

述妓

珠綴猩紅綵鳳鞋。翠圍倭墮小鸞釵。手挽總金裙帶。
子。下香堦。行雨幾時來楚袖。細詢姓氏是吳娃。說
着家山離別恨。滿秦淮。

玉樓春 經古冢

生存華屋歸何許。作箇丘陵狐兔主。黃昏隧道少人
行。幾處松楸蕭瑟雨。寒泉十丈龍蛇府。細路幾行
螻蟻戶。人間荒壟底傷心。一杯誰守長陵土。

柳稍青 陳四索題邊庭夜宴圖

定遠功名李陵魂魄。何處天涯帳外雲山尊前明月。

膝上琵琶。長城高隔中華。費版築。秦家漢家。一片金笳。數行榆柳。幾陣黃沙。

踏莎行 感懷

細雨欄杆落紅簾幙。東風擺動鞦韆索。好拈花片訴東風。落紅難禁東風惡。博縱千場。碁殘一角。思量便好全拋却。饒他醉夢也醒醒。夢回酒醒思量着。

前調 艷情

佯整金甌閒搓鴛墜。無人識得關情地。芳心只許玉郎知。燈前一點嬌波聚。舊約難忘。新愁易醉。画堂

教人會天。纖月帶三星。今宵酒醒如何睡。

臨江仙 示客

載酒輕舟歸去也。故人祿米難供。秋來四壁付寒蛩。
近看殘夜月。遠聽五更鐘。羅雀柴門聞剝啄。起居
許我從容。馮驩牛酒倘難逢。戰書雖自急。學得不開
封。

鵲踏枝 怨夢

一樹石榴紅簇簇。裊雨披風。不受春拘束。記得個儂
十五六。花前笑口開香玉。往事只將殘夢續。依舊

茶香纖手傳心曲。就裏小眉剛一蹙。醒來蛩語梧桐綠。

定風波

秋海棠別名思婦淚

比埜花枝向鏡臺。幾枝秋信鏡邊開。開到海棠思婦淚。顚顚。半勻脂粉搵香腮。西府春粧曾覩勝。宮腰。芳名一樣點牙牌。可是華清初賜浴。睡足。莫教小鹿近香苔。

三字琵琶

半謝牡丹

萬花王。園林好。滿庭芳。論絕色。非宋子。卽齊姜。衆香。

國堪誰伴。載蟬兒。金鳳子。武仙郎。沈香亭。長壽第。
月陂側。善和坊。鬪豐姿。渾爛熳。占韶光。奈何天。春去
也。雕欄畔。留餘韻。卸殘粧。

前調

牡丹下咏楊妃

七寶牀。召學士。賦新章。賞名花。對傾國。奏霓裳。五家
車。三條陌。睨秦姨。偕競姊。勝姬姜。高堂雲。巫山雨。
凝紅艷。倚新粧。獻金仙。呼小鹿。賺三郎。堪腸斷。馬嵬
坡。窄羅襪。金鈿合。返魂香。

最高樓

秋海棠

賞秋光。只在海棠時。帶露各重重。葉染硃羅花倚醉。
愛依疊。澀影清池。惹人憐。疎雨滴。嫩風吹。蒼苔上。
似溼紅渠襪。墻陰下。似待西廂月。怯怯想幽姿。此後
陶潛惟對菊。怪他杜甫底無詩。綠葵邊。朱蓼外。兩三
枝。

新荷葉

本意用僧仲殊韻

綠遍陂塘。田田貼水還抽。遮却鴛鴦。任他搖過蘭舟。
羅裙溼。花間繫起。覺又含羞。潑珠零亂。幾番權尾回。
眸。妬煞團圞。晚來弄水淹留。可堪作鏡。照儂新月。

眉鈎兒家住處。斜陽坐數點沙鷗。葉淡私路。小心認取。西北有高樓。

滿江樓 和王昭儀韻

劃碧橫空。馬上過幾番山色。回首處。亂雲抹斷。帝城雙闕。萬里風沙生死地。十年魂夢君王側。聽琵琶。彈到漢宮秋。聲聲歇。永嘉恨。難磨滅。天寶事。何人說。向元都觀裏。偷彈淚血。乞得黃冠雙鬢影。伴他青冢三更月。問姮娥。何苦不長圓。山河缺。

滿庭芳 楚宮草少游韻

芳草湘沅。綠波南浦。傷心都付陰晴。飄零桃李。點綴
恨繁英。寶玦王孫何處。高臺畔。燕麥雲平。鶯啼外。錫
簫鞦鼓。無復舊琴箏。楚宮傳故事。君王宵宴。醉挂
冠纓。問章華異日。已變桑漣。燹火鴛鴦瓦裂。斜陽下
回首。魂驚。無人管。蒙茸幾地。牧犢上春城。

瀟瀟雨

集京少寓齋遇雨京少首唱拈調分

輕陰翻乳燕。正遠山。蒼翠滴江城。有元卿三逕。文淵
百斛。隨地逢迎。莢豆葫蘆自飽。留客自蟠蟠。簾外湘
娥至。風破雲行。何害歸鞍。霽。經市帘低亞。嬌笑

鳴箏都枕函將去。窗白酒纔醒。料巫峰飄零環佩也。
安排雲雨候新聲。來朝聽雙鬟譜出唱旗亭。

慶清朝漫

庚申暑夜對月感懷

吳苑繁華將軍邸第。佳人雪藕調冰。七里山塘画舫。
烟盡波澄。更馱將細馬。有香羅花外兩三乘。醉歸來
風牀翠管。月謝紅燈。轉盼事分明憶。耐天邊烏兔
難繫長繩。寂寞廣寒無主。竊藥何曾。獨向北窗跂足。
往來慣牧笛漁簫。閭亭北。他時重到。蔓草荒藤。

賀新郎

和卽山迎春日憶江南用陳其年韻

梅影侵窗罅。正小樓春杳。排當。芹菹筍鮓。却憶江南
當此節。豫放火蛾歡射。多半在秦淮柳下。簾外。蹋搖
簾內笑。聽一行檀板。鸚哥怕分綵勝。千門挂。東山
近日偏瀟灑。論楚吳六朝金粉。一般圖畫。指點江城
黃鶴畔。不數鬪鷄盤馬。遍鑿鼓兒童亂打。且喜升平
清燕在。有老儕差足談心者。騷雅事。須公藉。

鏡堂春慢

卽席贈彛鎮

寶戟雲旂。碧油黃卷。聞君說禮敦詩。緩帶投壺。晝長
春靜。蘭綺清燕雅歌嘉客。算誰北海南皮。有繡段裝

簾。金。花。帖。鼓。玉。局。彈。碁。軍。令。分。明。無。擾。好。杯。揮。峽。
月。粉。浣。香。溪。翻。使。杜。陵。遺。老。喜。見。旌。旗。說。與。時。賢。誰。
是。風。流。蓋。代。庾。征。西。肯。信。揚。眉。李。白。解。裘。脫。劍。換。酒。
呼。兒。

春從天上來

卽山爲予納婢次韻

端的今朝嘆十年離恨。夢裏星橋斷腸風外聽斷瓊。
簫。淒。涼。鳳。島。天。遙。便。他。生。重。會。怎。能。料。再。遇。韋。臯。何。
曾。忍。把。金。泥。裙。帶。別。束。官。腰。說。與。外。人。不。信。甚。紫。
髮。叱。撥。挽。取。多。嬌。千。頓。風。流。虬。髯。通。俠。漫。談。摩。勒。紅。

綃○總○才○情○奇○絕○把○悲○歡○顛○倒○英○豪○待○來○宵○群○公○高○會○
譜○入○檀○槽○

喜遷鶯 雪獅

春○回○臘○盡○又○花○飛○五○出○高○堆○鹽○粉○築○玉○彫○冰○曾○聞○戚○
晚○粧○作○爪○牙○威○猛○綵○鳳○画○屏○人○暖○金○鴨○小○爐○香○蘊○護○
燕○几○儼○爭○獬○不○動○鐘○鳴○漏○盡○微○倖○西○涼○曲○舞○罷○蠻○
兒○蕭○索○梨○花○影○今○日○山○翁○看○他○捏○就○微○笑○向○人○齒○冷○
似○笑○豪○家○深○院○處○十○二○闌○杆○排○整○池○臺○畔○又○流○嘶○綠○
浸○賞○晴○和○景○

一萼紅

用尹礪民體和梅澹克滋陽橋韻

是何年。闢城中水泊。萬井浸蒼烟。遶種芙蓉。賺來鷗鷺。千株楊柳堤邊。歲歲有王孫。絲篴湔裙處。画舫壓青天。走馬臺成。鳳凰樓起。烏鵲橋填。誰問水濱消。息向巫咸游後。滿目桑田。帝子荒丘。孤臣祠廟空閒。楚女神絃。我欲賦招魂。無地倒波間。亂影雲還四面。蒲菰秋冷。風物蕭然。

蔣京少

景祁

曰。黃公白茅堂詩。深入少陵之室。俱

未有雕本行世。其爲詞自少至老。填綴最富。而鮮合格。然合格者。歐蘇辛黃。弗能過也。黃公本吳人。三世家楚。丁卯適邂逅。幸爲忘年交。佩誦其詩。不釋手。未暇鈔傳。茲先傳其詞如此。

聶晉人

先

曰。楚中名家。首推盧四照。填詞獨擅一

時。龔香巖極爲許可。蔣梧月選當代瑤華。以惜未入白茅堂詞。乃手致茲編。其許可一如香巖之於四照也。因卽付之梓。

名家詞鈔目錄

廬陵 聶先 晉人

纂定

長水 曾王孫 道扶

紫雲詞

溫陵 丁煒 雁水

碧窓夢 漁父

點絳脣 菩薩蠻

眼兒媚 武陵春

桃源憶故人 柳稍青

太常引

醉花陰 二調

雙調望江南

江月晃重山

南鄉子

虞美人

小重山

踏莎行 三調

一籬金

一剪梅

鬢雲鬆

醉春風

百媚娘

風入松

傳言玉女

江城梅花引

滿庭芳

天香

倦尋芳

瀟瀟雨

瑣窓寒

百字令

三調

瑤花

水龍吟

齊天樂

春從天上來

望海潮

丹鳳吟

沁園春

賀新涼

摸魚兒

春風嫵娜

多麗

玉女搖僊珮

六州歌頭

紫雲詞

溫陵 丁 煒 雁水

碧窓夢 春夜

蓮漏催蟾影。梨雲妬蠟明。銀箏低訴可憐情。不道翠
幃風細。有人聽。

漁父 本意

坐對沙鷗香餌垂。一竿春水碧琉璃。風澹澹。日遲遲。
閒看蜻蜓立釣絲。

點絳脣 春晚

翠帳悄悄。簷鈴驚掣。梨雲斷。海棠庭院。風颭胭脂亂。
怕說春殘。嬾拾殘紅看。空悽惋。柔情千段。付與閑
鶯燕。

菩薩蠻 臘月造口感懷用稼軒韻

一年六泛章江水。江流半是勞人淚。莫謾憶南安。并
州非故山。危灘難久住。目送征帆去。雨雪未歸余。
含情聽鷓鴣。

眼兒媚 河旁偶見

新妝墮馬挽輕雲。淺笑復含顰。翠翹顰鳳。冰紈趁蝶。

微裊湘裙。盈盈隔水看嬌面。擬賦洛川神。最難描
處。雙彎貯媚。一盼生春。

武陵春

江村縱步

一帶柔藍莎徑軟。流水小橋斜。橋畔桃紅幾樹花。
花下是誰家。人面桃花相映處。咫尺隔天涯。空憶秦
簫駕綵霞。腸斷暮山遮。

桃源憶故人

庚申三月別西山同籍汝弟

山螺湖鏡長如故。一帶離雲棲樹。日下那堪回顧。寺
遠鐘催暮。匆匆玉勒人南去。前度桃源何處。惟有

啼鶯飛絮。相送陽關路。

柳梢青

本意

綠淺黃輕。東皇初幸。眉黛爭迎。拂燕穿鶯。和烟拖雨。
暗織山城。便撚萬縷。紫紫。難繫蕭郎。遠情陌上。
樓頭絮飛春盡。空數歸程。

太常引

月夜同舊次集靈山寓齋

穿花漏點夜偏遲。冰鏡出瑤池。坐久露沾衣。看陣陣。
征鴻北飛。酒人難遇。韶華易駛。到處負佳期。相勸。
倒金卮。應試念重逢幾時。

醉花陰

送春

春風隔歲重相見。暗約香魂斷。擬作探花人。蝶○嬾○蜂○
殘○鶯○地○催○人○轉。落紅無主。紛○成○片○寂○寞○停○歌○扇○最○
是○可○憐○宵○一○刻○殘○檠○萬○種○思○量○遍○

前調

初秋雅集篋園

開○遍○葵○榴○苔○院○靜○有○客○來○芳○徑○揮○塵○話○山○遊○好○語○蟬○
聯○忘○卻○花○缸○冷○薄○霧○濃○雲○秋○未○醒○做○雨○催○詩○興○卷○
幔○且○畱○連○聲○在○桐○廡○葉○葉○都○堪○聽○

雙調望江南

鄉思

春去也芳草望中連。疊疊濃雲堆恨水。絲絲弱柳。織
愁烟。人對夕陽天。南鴈杳。錦字向誰傳。蠟鳳檠前。
家似夢銀蚪。箭裏夜如年。清淚濕紅綿。

江月晃重山

晚登虔州望江樓和韜汝弔

縹緲晴巒如畫。參差烟樹。疑秋斜陽浪捲。碧天浮雙
虹影。終古抱層樓。身繫西南楚尾。夢驚十八灘頭。
水雲鄉路動離愁。風帆急如箭向東流。

南鄉子

秋懷和藺次作

秋恨最無端。梧葉蕭蕭獨掩關。芳草牆陰啼促織聲。

殘鴻鴈來時客倚闌。人自故鄉還。聞道鱸魚尚可
餐。張翰扁舟何日去家山。夢遶蘆花月一灣。

虞美人 秋夜

夜闌立盡梧桐影。露下蟾光冷。小池風過水紋生。何
處吹來玉笛兩三聲。山城薄酒難尋醉。未許愁人
睡。沈郎腰瘦帶圍寬。只爲眼中心上有千端。

小重山 題畫

誰染晴巒翠幾重。一溪寒玉碧溶溶。斜陽略約斷人
蹤。盤均外高下路西東。板屋繞蒼松。舉蘿窓戶拓

滕○堪○容○抱○琴○掃○石○聽○鳴○淙○心○不○競○目○送○晚○雲○空○

踏莎行 春遊

青○抹○遙○山○綠○勻○芳○墅○踏○春○還○共○春○游○侶○畫○樓○牆○隔○是○
誰○家○垂○楊○影○裏○鞦○韆○女○墜○落○瑤○釵○高○飄○金○縷○傳○情○
擬○倩○流○鶯○語○明○朝○酒○醒○好○重○來○東○風○莫○灑○催○花○雨○

前調 落花用玉皇詞韻

亂○點○銀○塘○輕○飄○翠○溆○落○紅○牽○惹○遊○絲○舞○楚○宮○傾○國○掩○
蛾○眉○芳○客○一○夜○埋○黃○土○蜂○別○殘○枝○蝶○辭○空○圃○無○情○
卻○恨○風○和○雨○邨○來○燕○嘴○總○成○呢○憑○誰○寄○與○東○君○語○

前調 又

剪碎明霞。揉殘絳雪。多情相送。惟啼鴂。墜釵遺珥。滿
香閨。離魂欲作經年別。掩袂看來。顰眉愁絕。傷心
彈指韶光歇。畫圖空識舊崔徽。紅顏千載同悲咽。

一籊金

樹蘭

炎州八月新涼候。碧樹交枝。剗葉和烟繡。別館風迴
幽夢後。霏霏香沁蟬紗透。儘堪紉佩銷清晝。隱几
聞思。篆影閒金獸。鬢髮慵妝低舞袖。綠珠依約娉婷
瘦。

一剪梅 憶洛陽橋畔荔枝

佳麗曾稱似洛陽。霞做山光。月做江光。石欄橋迥水
天長。橋爲蔡襄惠建。長三百六十丈。倒瀉銀潢橫架金樑。十里薰
風錦荔香。絳染紗囊。蜜釀瓊漿。何時歸臥恣酣嘗。身
在他鄉。夢在家鄉。

鬢雲鬆 曉起

碧幃深。綃被煖。到枕流鶯只向夢中喚。日瑩小屏官
錦燦。簾外遙山一抹烟鬟亂。倒紅螺遺翠釧。昨夜
歌喉纍纍珠成串。滿院綠陰人不見。風颭柔紅隱約。

桃花面

醉春風 園居

茅屋剛如斗。面水開牕牖。客來何物可掩畱。有有有。
淡製新茶。薄烘乾荔。舊筍醲酒。列坐清談久。茶罷
還須酒。酒闌客醉可歸歟。否否否。待月穿花看雲籠。
竹猶堪攜手。

百媚娘 茉莉

門掩夕薰人靜。簾外鬢華光映。茉莉一名鬢華欲滴水痕憐
蒂竝。朵朵玉纖拈定。串就步搖珠葉瑩。重喚開妝鏡。

素豔幽姿相稱。月上碧紗移影。簪向流蘇蛟帳底。
半挽綠鬟香迸。最是銷魂中夜醒。鴛枕梨雲冷。

風入松

初秋訪蘭次靈山道院用韜汝韻

紅橋瀉雨響流泉。繫馬翠陰偏。主人倒屣拋書卷。霏
妙論玉潤珠圓。篆鼎香飄金鴨。筆牀花拂鈿蟬。芙
蓉詩體逼臨川。落紙起雲烟。巾挽袖浮芳茗。誇雞
露未損囊錢。蘭次法製。雞露點茶。杜牧孤村前夢。東坡鶴觀當年。

傳言玉女

梔子花

濃綠垂陰。盡日鶯慵燕嬾。瑤英香汎。正桃笙夢轉。清
標獨倚。似悵玉京人遠。林蘭孤擅。不矜時艷。薰灼
炎天。抱水姿有誰戀。溫柔茉莉。默結同心。怨籠烟殢
雨。淚滴蠟胎珠。濺相思。長在黃昏庭院。

江城梅花引

聞笛

何人三弄隔江湄。調幽悽。意幽悽。斷續飛聲隨月度。
窓西。篆欲成。灰燈又。暈傷往事。恨悠悠。是別離。別
離別。離悞花時。碧連堤。錦香帷。盼也盼也。盼不到。和
夢都迷。幸負紅愁綠怨。小鶯啼。縱有楊柳堪折。取畱

青眼倚東風。待阿誰。

滿庭芳 麓園夜坐

隔市林園。依家亭榭。閑中涉趣偏長。虛檐人悄。翠影落新篁。暮。麝烟庭。屐遍交枝。徑不斷。生香會心處。滿身明月衣。露淨琴張。清狂。揅不事。籌花春社。鬪酒歡場。任簾轉。桐陰夢穩。藜床簾外。松濤聲脆。待消受。碧椀旗槍。螢燈閃。兒曹紙筆。忘却是他鄉。

天香 龍涎香

花樹風寒。玉淵月暝。眠迴尺木初醒。蜚舶收帆。鉤奩

擁沫薇靡杵勻芳餅。靈雲潤雨。儘噴向博山仙鼎。鳳
炭微溫篆。裊蝦鬚半鈎人靜。翠被餘馨猶在。奈疏
璃賜盤空剩。謾憶青綾曾直。紫羅重整。寂寞當時荀
令。嘆縹緲頭御烟迥。粉堞山樓空。違畫省。

倦尋芳

舟泊百家村遊蕭氏廢園用夢窓韻

征橈倦艤。吟屐閒尋。麥畦趁燕。窄徑沙傾。簌簌冷風
吹面。種芰池荒。蛙部鬧。藝蘭圃潦。牛涔見。試憑臨望。
孤村似帶。澄江如剪。傷佳構。平泉辛苦。奇石名葩。
錦檻移徧。舞扇歌衫。昔日漁樵曾看。殘榭烟凝。秋草

名家詩金
碧舊樓人送春山遠正淒涼又殘鴉數聲飛散

瀟瀟雨

落葉用江湖載酒詞韻

濃霜凋晚樹。訝蕭蕭散錦滿長堤。正楓灣小泊。篷窓獨掩。颯杳增悽。驚起沙頭鴈陣。亂繞葦叢啼。況是飄零客。不耐孤栖。遙念香幃此夜。任風敲箔外。影墜欄西。儘題紅句。就欲寄倩誰攜。嘆浮踪東南無定。似秋風渭水。撲塵迷。行歸矣。擁松爐臥休舞。聞雞

瑣窓寒

雨中懷友用張玉田韻

疎榭窺紅迴廊蔭碧小欄空。凭雲愁雨峭。消受水沉

猊影訝東風。開到梨花寒香。猶沁綃衣冷。漫簾帷低
下。防他乳燕。翠衾沾盡。泥潤沿苔徑。嘆蔣竹成林。
誰烹陸鼎。剪鐙擘句。待寄故園芳信。甚浮踪水珮烟
槎。尋盟辜負鷗鷺等。儘溪宵漸瀝。西窓夢憶巴山穩。

百字令

山陽懷古

淮流東下。舊時月。又到女墻深處。寂寞王孫空蔓艸。
何況小山桂樹。臺畔綸竿。雲中雞犬。轉盼埋烟霧。江
光如故。翩翩過盡鷗鷺。非不武。似淮陰。文如枚乘。
究竟成朝露。伎倆才華。都使盡。那得天公比數。玉笛

名家詩鈔
空吹酒壚何在。淒惻山陽路。丹楓白鴈。楚天正值秋
暮。

前調 夏夜

天街雨洗。看炎雲初歛。乍傳清杳。藤枕桃笙。殘夢後。
瓊腕金環。懶約罷浴。芳蘭斜簪茉莉。香霧雙鬟薄冰。
紈扇撲流螢。輕點苔落。回首燈夕。傳柑花朝。鬪草
光景都如昨。溽暑蒸人。能幾夜。皓月清風。簾箔玉塵
停揮。茶烟半裊。靜裏千愁。卻銀河低轉。早鴉飛過池
閣。

前詞

鬱孤臺晚眺用棠村詞韻

鬱孤遺蹟對雙流。激浪千巖寒色落。日憑高回首處。
俯仰謾傷疇昔。坡老材華。幼安旌節。百代同爲客。風
流何在。至今葭露空白。聞道翠玉高樓。慈雲蕭寺。
可費登臨屐。幾度虎頭城上見。惟有叢篁怪石。南國
鄉心東華塵夢。恨起滄浪笛。蓬萊官闕蒼茫渺。在天
北。

瑤花 鶴

丹眸星皎。紫頂烟凝。更皜衣霜淨。秋高緱嶺。清露零。

縹緲鳴臯初警空。山闌夜有蕙帳幽人驚醒。聽寒聲
和徹。瑤笙未管。滿身疎影。凌霄愛出塵寰。嘆悞逐
軒車。氈毼難整。芝田路迥。懷故侶。空隔陵奩。荷鏡縱
歸華表。便城郭參差。誰省想說殘仙語。星星應向雲
藍高騁。

水龍吟 白蓮

炎風不到瑤池。亭亭玉立矜高潔。凌波微步。靚粧初
洗。膚神冰雪。太液烟清。湘臯露冷。無言淒絕。似飛瓊
暫謫。人間誤到。搵鉛淚。愁難說。丰韻妖紅。全別映

青銅盈盈嬌靨。盟鷗心苦。弄珠腕弱。苧殘涼月。粉艷
千枝。波明難認。聞香偷折。怕驚秋素。女乘鸞。空賸翠
華千疊。

齊天樂

蟬

園林過雨。喧。遮了。重重翠陰成幄。蛻化。蛄痕。魂銷。雀
影。幽恨。齊宮。依約。冰絃欲訴。奈露冷。風高。鬢寒。綃薄。
盼盡庭柯。殘聲曳向別枝落。故園嘉樹。小閣記綠
沉。半掩黑甜。初熟。抱月吟秋。伴螢泣夜。幽夢幾迴。驚
覺。文通漸老。嘆往事。無憑。珥寒貂玉。謾擘冰箋。寫懷

都寂寞。

春從天上來

庚申元夕

雪霽天街看寶馬。鈿車碾破香泥。蟬紗堆巧。豹髓燒
奇。主家奴子爭携聽。秧歌鬧處。早腰鼓百戲催齊。喜
今宵是箭停銀鏃。鑰敞金蕤。留連太平景色。儘巷
過香風。人拾鸞篋。瑤鏡將斜。粉粧未散。遊踪半在城
西。嘆東華塵土。廿年清夢。此時迷。謾低眉。雲標將遠。
日近當思。

望海潮

秋登吳山

西陵草短。南屏霜重。登臨客思方賒。江湧銀鰲。潮喧鐵馬。千年洗盡繁華。落日岸烏紗。危欄空拍遍。幽恨無涯。葛嶺樓臺。吳山宮殿。有啼鴉。當年競鬪豪奢。任玉津載酒。翠舫迷花。栢樹墳高。木綿人去。獨松亂起鳴笳。鳳舸擁官娃。明湖歌舞路。冷浸雲霞。惟見孤山一輪明月。照梅花。

丹鳳吟

鸚鵡

夢繞屏山初覺。雪點朱籠。風搖銀鑰。分明嬌語。似訴輕寒池閣。從辭漲海。乍依雕檻。綺翠裳凋。茜紅襟薄。

促向細帷試煖。橘煖柑肥。纖手香霧親剝。鸚鵡出南海北地病

寒餉以紅柑卽愈

錦瑟麗詞譜就。更教慧舌頻念着密意。

傳官徵但檀郎聽處。吟弄休錯金釵。擲。乍是玉楸聲落。切打鴛鴦愁未勝。早爬翻雙角。滿斟碧醴。還爲儂賦卻。

沁園春 題王山長小照

可愛斯人。道心標映。明臚善揚。美風流儒雅。楚天宋玉。聲華門第。江左王郎。叢桂千枝。芳蘭九畹。馥烈河芬。舊講堂。匡齋靜。看編搜墳索。絃鼓瀟湘。畫圖新

出裝潢。但掩卷停琴思更長。想凌雲空奏無媒金馬。
元音獨賞。聊學柴桑。若冷朝餐。羶寒夜坐。白眼青樽。
老更狂。堪沉醉。有陸潘江海。李杜光芒。

賀新涼

夏日小集縣圃用坡公韻

垂柳藏金屋。遶園林。迴塘過雨。翠條新浴。風颭圓荷。
珠露墜。驚起一雙屬玉。正滿樹荔枝初熟。折柬招來。
公瑾侶。譜清歌。按就紅雲曲。好付與。絲和竹。雪兒。
低唱。眉兒蹙。有鈿箏象管。輕倚一時稱獨。促節繁聲。
殢人處。那惜吳綾千束。勸倒盡金樽寒玉。戲折取。鮫

名詞詩集
囊掛向鸞釵共寶鬢相觸環珮響顫簌簌

摸魚兒 尊

麴波平淨浮新碧蔚藍遙挂天鏡荷錢乍點蒲根嫩
翠匳玉絲寒瑩憑欄處見越女携筐欸欸浮烟艇驪
龍未醒好將取柔鬚冰涎溜滑酪乳應羞竝淒清
韻金剪春纖乍冷仙厨漉歸銀鼎流匙雅稱鱸羹美
潦倒步兵佳興難重省謾回首西泠正柳疎花暝同
心采結算蘇小門荒何時一葉拂碎綠千頃

春風嫋娜

暮春汪悔齋蛟門東川招集邸齋
話別

正泥融乳燕柳暗啼鶯酥雨潤揀風清恰雙江鷁首
征帆欲指三珠堂上折柬相迎佩贈將離酒歌桑落
勸盡金尊唱渭城懊惱桃花潭水淺多君千尺是深
情此去長安漸遠燕雲薊樹舊游夢迴首堪驚燃
藜閣草佞亭歌詞錦瑟何處重聽十載神交新知更
樂一官竟出別思旋生關心萬事最魂銷腸斷落花
時節春草王程

多麗

西湖春泛

正韶光佳麗好春三月向平湖携琴載酒小舟輕蕩

蘭葉拂清波。燕拋綵剪。度垂楊。鶯弄簧舌。杏雨泥乾。
榆烟嵐濕。兩峯南北。翠屏千疊。看遊冶。鈿車寶勒。盡
往西泠發。算此際。尋芳拾翠。未輸蜂蝶。信棠檝。拂
開冰鏡。花港閑觀。朱鬣鬪娉婷。玉香珠艷。喧笑語。紅
嬌粉怯。柳外鴉迴。荇邊鷗返。繁絲脆管。聲初闕。漸依
約。錢塘歸路。夕照昏城闕。須揀飲。美景良辰。莫教虛
設。

玉女搖僊珮

爲吳菌次壽馬少君

金床僊妹絳帳名姬。早近中林蘭蕙。牙籤三雙。緋衣

一色異采喝成奇。儷睂畫春山細。更浣花清思。猜琴
妙慧。自甘共扁舟。范蠡消受五湖鰕菜風味。團扇舊
因緣。經卷茶壺。年來活計。夫子狂游玩世。醉月尋

詩沽酒。鷓鴣頻詈。遙集佳兒。熊丸繡襦。曾把玉纖親
製。況宅連吳水。看桐露秋淨。銀灣如洗。見說是朱顏
綠鬢。傳瓜瓞。脯閒來慣與麻姑戲。神丹半劑。曾分未

六州歌頭

九日醺集望江樓同韜汝弟賦

天空木落。霜葉滿城隅。剛泛菊。遇佳節。興來招客携
壺。傑閣臨江起。夾雙水。如明鏡。環睥睨。迴鴈鶩。繞菰

蒲。來。往。風。帆。可。數。烟。波。接。楚。粵。閩。吳。更。崆。峒。突。兀。
山。色。滿。平。蕪。遊。跡。當。初。駐。髯。蘇。向。登。臨。處。休。再。問。塵。
外。句。有。還。無。摩。粉。壁。看。古。蘇。損。泥。塗。謾。長。吁。且。盡。一。
樽。酒。開。笑。口。未。爲。愚。新。月。出。吾。醉。矣。任。蕭。疎。短。髮。
西。風。亂。拂。欹。烏。帽。莫。倩。人。扶。試。問。強。健。者。後。會。可。能。
平。細。看。茱。萸。

曹秋嶽溶曰。蘭茨粵游歸。艷稱雁水新詞。開八閩

風氣。恨不得賺全璧捧咏之一葉湖上。飛濤出示手抄一帙。時方盛暑。科踞梧陰。璧月未沉。銀灣乍瀉。不覺神怡心曠。蘭茨之嘆賞。洵然。

陳緯雲

維岳

曰。雁水先生閩地發源。溫陵振跡。三

葉則上卿延譽。雙丁則才子名家。各體俱工。填詞兼擅。珊瑚架筆。色絲黃絹之題。玳瑁爲簪。流水高山之韻。語其奇麗。散天半之朱霞。譬此清真。舞雲間之獨鶴。陽春白雪。郢中之逸唱。齊停。

皓齒朱顏。一代之佳人竝老。洵足使溫韋咋舌。
姜史灰心者夫。

朱竹垞

葬尊

曰。晉江先生。分巡贛南。構甃園於官

廨。且於層波之閣。八境之臺。携賓客而倚聲酬
和。成紫雲詞。流播南北。益兼宋元人之長。將與
其詩竝傳矣。

兄飛濤

彭

曰。詞取紫雲。自擬杜牧。余兄弟皆白頭

老子。豈尚有綠樹成陰之美。不過狂言驚四座
而已。雁水輾然笑曰。實獲我心。